

Вольбы до органів самосправних країв

Інформації про воліча

I Датум і час волеб

**Вольби до органів самосправних країв будуть
в суботу 4. новембра 2017 од 7:00 до 22:00 години**

II Право волити

Право волити до органів самосправних країв мати обчан Словацької республіки і чужінець, котрого місце стабілного бываня належить до теріторії самосправного краю або мати місце стабілного бываня у воєнськім обводі, котрий одночасно волеб до органів самосправного краю спадать до єго теріторії (дале лем „житель самосправного краю“) і найпізніше в день волеб досяг 18 років віку.

Конфліктом з правом волити є:

- законне окліщіння особної слободы выпливаюче з охраны верейного здравя,
- заарештованя за барз важний злочін.

III Право быти воленым

За посланця заступительства самосправного краю може быти зволеный житель самосправного краю, котрого місце стабілного бываня належить до теріторії самосправного краю або мати місце стабілного бываня у воєнськім обводі, котрий належить до теріторії волебного обводу в котрім кандідує, і найпізніше в день волеб досяг 18 років віку.

За председу самосправного краю може быти зволеный житель самосправного краю, котрий найпізніше в день волеб досяг 25 років віку.

Конфліктом з правом быти воленым є:

- заарештованя,
- правоплатне одсуджіння за напланований кріміналный чін, покы одсуджіння не было загладжене,
- однятя способности робити правны дїла.

IV Способ голосования

Воліч може волити лем в селї/містї свого стабілного бываня у волебнім раёнї, в списку котрого є записаний.

Воліч по вступі до волебной містности є повинный превказати обводній волебній комісії свою тотожность обчаньсков легітімаціов або документом о перебываню чужінца.

Потім обводна волебна комісія закружкує чісло воліча в списку волічів і видасть волічови два листы на голосованя - лист на голосованя на вольбы до заступительства і лист на голосованя на вольбы председы самосправного краю і порожню копертку з уряднов печатков села (міста або міської часті). **Перевзяття листів на голосованя і копертки потвердить воліч у списку волічів властноручним підписом.**

Каждый воліч повинен піти перед голосованем до выділеной части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

На листі на голосованя при вольбах до заступительства може воліч закружковати найвеце тілько чісел кандідатів, кілько посланців мати быти в данім волебнім обводі зволеных. (Чісло посланців, котре ся волить у волебнім обводі, є уведжене на листі на голосованя.)

На листі на голосованя при вольбах председы може воліч закружковати чісло лем одного кандідата.

У части выділеній на управу листів на голосованя вложить воліч до копертки єден лист на голосованя при вольбах председы самосправоного краю. Воліч голосує так, же як одыйде з выділеной части містности, котра служить на управу листів на голосованя, вложить копертку до волебной урны.

На пожаданя воліча обводна волебна комісія му видасть за неправилно управлены листы на голосованя іншы. Неправилно управлены листы на голосованя воліч вложить на місто выділене на одложіння несхоснованих листів на голосованя.

Воліч, котрый не може сам управити лист на голосованя із здравотных прічин або зато, же не може читати ці писати і перед голосованем поінформує о тім факті обводну волебну комісію, має право взяти із собов до выділеной части на управу листів на голосованя іншу способну особу, жебы подля ёго інштрукцій управила лист на голосованя і вложыла го до копертки. Обидві особы перед вступом до выділеной части на управу листів на голосованя член обводной волебной комісії поучіть о способі голосованя, о основі трестного скутку маріня приправы і ходу волеб. Членове обводной волебной комісії не сміють волічам управлявати листы на голосованя.

Місто воліча, котрый не може із здравотных прічин сам вложыти копертку до волебной урны, може ю до ней на ёго жадость і в ёго притомности вложыти інша особа, але не член волебной комісії.

Воліч, котрый не може прийти до волебной містности із важных, главно здравотных прічин, має право пожадати обводну волебну комісію голосовати до переносной волебной урны, а то лем на теріторії волебного обводу, про котрый была обводна волебна комісія створена.

Воліч повинен одложыти несхоснованы листы на голосованя або неправилно управлены листы на голосованя до запечатованой ладічки на несхоснованы або неправилно управлены листы на голосованя, інакше ся допустить переступліня, за котре дістане покуту 33 евра.